

蒙兀兒史記

結一宦主人自題

甘麻刺荅刺麻八刺列傳第七十九

蒙兀兒史記卷第九十七

武進屠寄纂

晉王甘麻刺。皇太子真金長子也。母闊闊真可敦。翁吉刺氏。生三子。長甘麻刺。次荅刺麻八刺。又次鐵穆耳可汗。甘麻刺少育於祖母察必可敦所。日侍忽必烈可汗。未嘗離左右。畏慎不妄言。言必無隱。至元中。奉命出鎮近邊。二十六年春。所部乏食。發大同路推場糧振之。舊紀稱皇孫甘不剌係甘木刺之誤據此知王所部出鎮軍在大同路北非漠北也是年。王入朝。忽必烈可汗

以其在邊日久。特許岐柳林。王帥眾至朔州。慮稟膳不均。命左右慎司分給。仍飭其眾曰。汝等飲食既足。若復侵虞百姓。是自速辜譴也。無悔。眾皆如約。北還。覲汗上都。汗勞之曰。汝在柳林。民不知擾。朕甚嘉焉。以上舊傳倒其事特移改之二十七年十月壬申。用皇孫封梁王。賜獸

紐金印。出鎮雲南。道過中山懷孟。從卒馬駝以千計。遵約束如前。既至雲南。卽以行省參政兀難爲王傅。二十八年六月乙酉二十九年。皇子北安王那木罕薨於漠北。詔徙王代總其軍。改封晉王。統領成吉思

四大幹兒朵思及達達軍馬國土。別鑄晉王印賜之。以北安王府尉也里古帶司馬荒兀爲晉府中尉。不只荅魯帶狄琮竝爲司馬。中書省臣言。諸王皆置傅。今晉王守成吉思肇基之地。視諸王宜有加。請置內史。從之。遂以北安王傅禿歸。梁王傅木八剌沙雲南行省平章賽陽竝爲內史。明年。置內史府。舊紀元貞元年六月壬辰立晉王內史府重出又明年。忽必烈可汗殂。王聞赴奔喪上都。諸王大臣忽里勒塔。義爲大聚會議立新君。時王爲大行適長孫。眾望屬之。王慨然曰。昔皇祖命我鎮朔方以衛社稷。久歷邊事。願服厥職。母弟鐵穆耳仁孝。可嗣大統。於是鐵穆耳可汗卽位。王復歸藩邸。元貞元年。王所轄塔塔兒部年穀不登。檄宣徽院振之。仍賜王鈔千萬貫及銀幣有差。皇太后復以雲南所貢金器遣朵年來賜。是年冬。以知樞密院事札散同知宣徽院事阿里罕爲內史。二年。忻都言王有異圖。樞密院鞫之。無驗。忻都賜死。詔歲給王所部糧衣。則三年一賜。大德元年二月。賜王鈔七萬錠。七月。增所部屯田戶。十一月。增位下內史尙乘寺卿。

各一員。明年三月。給王秣米五百石。所部鈔十二萬錠。又明年二月。賜所部鈔四萬錠。五年四月。賜王所部貧乏者鈔四十萬錠。

舊傳分給

鈔一千萬貫此從本紀

六年正月乙巳。王薨。年四十。王始撫軍朔漠。綏懷有方。不

久而叛。王藥木忽兒等納款。仍督諸王將悉力防戍。海都志不得逞。及王薨。而海都亦死。其子察八兒遂與篤哇諸王遣使求和。北

方以寧論者以爲王之餘烈所致焉。

舊傳至元中奉旨鎮北邊叛王藥木忽兒等聞其至望風請降既而都阿察八兒諸

王遣使求和邊境以寧云云敘述於二十六年以前按藥木忽兒等以元貞末請降大德初入朝篤哇察八兒以大德七年遣使請息兵時王薨已二年矣舊傳欲以漠北之平歸功晉王而不覺年事之違反也今於王薨之後作追述語稍與事實相近王性仁恕。嘗駐軍金山。直大雪。擁火坐牙帳

中。顧左右曰。今日風雪。吾與卿等在此。猶有寒色。彼衛士亦人耳。

腰弓矢。荷刃周廬外。其苦可知。遂命饗人大爲肉糜。親嘗而徧賜

之。治軍偶暇。則命額蔑堅以國語講通鑑。戒其近侍太不花曰。朝

廷以藩屏寄我。事有不逮。正賴汝輩匡助。其或倚勢作威。不用我

命。輕者論譴。重者奏聞耳。宜各慎之。使百姓安業。主上無北顧之

憂。則予與卿等亦樂處於此。乃所以報國家也。元貞初。藩邸屬官

審伯請老欲以子自代。內史爲之言。王曰。用人惟天子所命。不敢專也。故尤爲朝廷所重。然崇尚浮屠。歲作佛事。耗財不可勝計。子

三人曰也孫鐵木兒。元妃翁吉刺氏。普顏怯里迷失出。曰松山。曰

迭里哥兒不花。皆失其母氏。

后妃舊表顯宗有拜拜海妃子忽上海妃子均不詳其氏

王薨之後十年

愛育黎拔力八達可汗卽位。追諡獻武。又十年也。孫鐵木兒以嗣

晉王入承大統。追尊王曰光聖仁孝皇帝。廟號顯宗。妃曰宣懿淑

聖皇后。祔享太廟。又六年。圖帖睦爾可汗卽位。詔毀其室。松山

至元三十年。以皇曾孫出鎮雲南。時甘麻刺已自梁王改封晉王。

忽必烈汗卽以梁王印賜松山。元貞二年九月。王命位下怯薛互

軍討降元江賊。大德五年五月。雲南土官宋隆濟叛。時右丞劉深

奉命將軍征八百媳婦。由順元入雲南。雲南行省右丞月忽難調

民供餽。隆濟因給其眾。曰。官軍徵發汝等。將盡翦髮黥面爲兵。身

死行陳。妻子爲虜。眾惑其言。遂叛。隆濟帥猫老紫江諸蠻四千人

攻楊黃寨。殺掠甚眾。進攻貴州。知州張懷戰死。王遣雲南行省平

章幢兀兒參政不蘭奚將兵禦之。斬賊酋月撒及其黨五百級。既而有人作飛語及符讖之說惑王者。事聞。其人按誅。王遂以九年三月奉詔勿與雲南事。仍賜鈔千錠慰之。王鬱鬱不得志。漸成風疾。至大二年三月。封諸王老的罕爲雲南王代鎮焉。子王禪。延祐七年五月丁未。碩德八剌可汗卽位。封爲雲南王。往鎮其地也。孫鐵木兒可汗卽位。以皇姪之親召赴闕。泰定元年四月。賜王車帳駝馬。七月。又賜鈔二千錠。十月。進封梁王。會益陽州六萬五千戶。仍以其子帖木兒不花襲封雲南王。代之鎮。三年六月。命王同武寧王徹徹禿鎮撫北軍。賜鈔五千錠幣帛各二百匹。八月。諭王整飭成吉思汗四大幹兒朵思邊事。十一月乙巳。以王將往北邊。賜鈔二千錠。十二月壬辰。又賜宴器金銀。遂行。致和元年二月。賜鈔二千錠。七月庚午。也孫鐵木兒可汗殂。王奔喪上都。九月。與右丞相塔失帖木兒左丞相倒剌沙遵遺詔。輔立皇太子阿速吉八。改元天順。當是時。大都同簽樞密燕鐵木兒遣使迎懷王圖帖睦爾。

於江陵將立之以與皇太子爭國。八月癸丑王以皇后太子命與右丞相塔失帖木兒等分兵入討大都。己未次榆林。九月庚申朔與燕鐵木兒弟撒敦戰不克。退次懷來。乙亥王襲破居庸關。丙子游騎至大口。前鋒及燕鐵木兒戰榆河。塔失帖木兒有貳心逗畱不進。王軍敗退過紅橋北。副樞阿剌帖木兒指揮忽都帖木兒來援。兵復振進戰。又不利。庚辰大戰白浮之野。明日大霧。王斂兵入谷。癸未整兵復出。與燕鐵木兒相持白浮之西。撒敦脫脫木兒乘夜來襲。我師驚潰。走昌平北。王單騎亡去。是年十一月被獲。賜死。圖帖睦爾汗先以其第賜鎮南王帖木兒不花。至是又以其奴婢分賜鎮南王及燕鐵木兒。王妃金珠首飾歸中宮。至順元年二月流其子帖木兒不花等吉陽軍。帖木兒不花本鎮雲南。泰定四年十一月召赴上都。致和元年未還鎮。即遭國難。故破流吉陽。迭里哥兒不花。大德十一年七月丁巳。海山可汗既即位。封爲北寧王。賜螭紐金印。八月。賜金三百五十兩。銀三千七百兩。至大二年七月。以阿速衛軍五百人隸王。駐和林。武宗舊紀此處作諸王帖里不花。給鈔萬五

千錠。人備四馬。四年四月。改封湘寧王。換賜金印。食湘寧州寧鄉

縣六萬五千戶。六月。置王傅。七月。賜所部鈔三萬二千錠。皇慶元

年。阿速衛簽事徹里從王北征。延祐三年五月。賜王金銀鈔幣。至

治末薨。子八剌失里襲也。孫鐵木兒可汗既即位。給以湘寧王印。

泰定元年三月。遣王出鎮察罕納兀兒。上都之白海子罷宣慰司。立王傅府。

三年正月。命王移鎮兀魯思部。疑即今內蒙古之烏喇特部。在河套北。六月。命益西往鎮

阿難荅之地。舊紀作阿難荅之地。即安西王阿難荅所領開成路也。阿難荅被誅後。武宗以其地改賜皇太子及英宗。至治三年降為開成州。泰定時仁宗之後已絕其

地重要故命八剌失里鎮之。十一月。賜鈔三千錠。四年三月。還鎮察罕納兀兒。七月。

賜金銀鈔幣。天順改元。燕鐵木兒稱兵大都。王與汝寧王忽剌台

駙馬趙王馬札罕承上都之命。起兵勤王。入冀寧。破大都萬戶和

尙援兵。及聞上都覆沒。退至馬邑。兵敗。為也速荅兒執送大都。時

從王起兵之火兒忽荅等十三人皆見殺。鄒氏代過云。史於湘寧王無明文。殆亦同死。

荅刺麻八剌太子。皇太子真金次子。鐵穆耳可汗同母次兄也。至

元初。生於燕邸。及燕王為太子。凡乘輿巡幸及歲時朝賀。王未嘗

不侍太子以行。二十二年。太子薨。荅刺麻八刺以皇孫鍾愛。緩其

出閣之禮。二十八年。始奉命出鎮懷州。荅刺麻八刺竝無封號。魏氏源稱爲懷王。其元史新編皇子諸王傳自注云。武

宗元年追尊皇考懷王爲帝。則其封懷王明矣。今按武宗舊紀大德十一年五月甲申。卽位之後。書是日追尊皇考爲皇帝。其皇考下竝無懷王二字。不知魏氏何所據而云然也。以待

衛都指揮使梭都尙書王倚從。行至趙州。從卒有拔民桑棗者。杖

懲之。遣倚入奏。忽必烈可汗嘉說。未至鎮。以疾召還。明年春。薨於

京師。舊傳云。世祖北幸。留治疾。京師越兩月薨。按本紀至元年二十有九。元如翁吉

刺氏名荅己。舊史后妃表特辟禪傳作荅吉。阿勒赤國舅那顏孫渾都帖木兒之女。阿勒赤后

妃舊傳作按陳。生海山汗。愛育黎拔力八達汗。大德九年。鐵穆耳可汗不豫。

巴牙兀氏卜魯罕可敦欲專政。忌愛育黎拔力八達汗屬近。遣與

妃出居懷州。明年十月。至懷。又明年正月。鐵穆耳可汗殂。時海山

汗總兵北邊。右丞相荅刺罕哈刺孫。右丞相據哈刺孫舊傳。后妃傳作左丞相。陰遣使赴

懷。愛育黎拔力八達汗奉妃奔喪京師。旣入哭。出居舊邸。朝夕入

奠。及靖內難。迎海山汗卽位。先是。妃用陰陽家言。卜兩子星命所

宜立。對言重光大荒落有災。旃蒙作噩長久。重光爲海山汗生年。

旃蒙則愛育黎拔力八達汗生年也。妃惑其言。遣近臣朵耳諭旨海山汗曰。汝兄弟皆我所出。豈有親疏。顧陰陽家所言。運祚修短。不容不思也。海山汗聞之默然。進康里脫脫謂曰。我捍北邊十年。又膺次居長。太妃以星命爲言。茫昧難信。使我設施合於天心民望。雖一日之短。亦足垂名萬世。何可以陰陽家言。而乖祖宗之託哉。脫脫以聞。妃愕然曰。修短之說。出自術家。吾爲太子遠慮。所以愛太子也。太子旣如是言。今當速來耳。語詳康里脫脫傳。海山汗旣立。卽日追尊謚考荅刺麻八剌曰昭聖衍孝皇帝。尊母妃曰皇太后。是年十一月。朝於隆福宮。上皇太后冊寶。至大元年三月。爲太后建興聖宮。給鈔五萬錠。絲二萬觔。當海山汗在邊時。太后嘗親禱五臺山祈振旅。二年正月。遂復幸五臺修佛事。荅靈貺。海山汗欲盛其儀。從以申孝敬。特詔高麗王章陪鑾輅。備宿衛。四月。復立江淮財賦總管府。主興聖宮歲入。明年二月。以上皇太后徽號告祀南郊。四月。以興聖宮鷹坊等戶四千分處遼陽。建萬戶府統

之。是年十月。帥皇太子諸王羣臣朝。上徽號曰儀天興聖慈仁昭懿壽元皇太后。越日。太后恭謝太廟。緣恩大赦。愛育黎拔力八達汗踐阼。延祐二年三月。加上徽號曰全德泰寧福慶皇太后。七年三月。碩德八剌汗嗣位。尊爲太皇太后。十二月乙卯。加上徽號曰徽文崇佑太皇太后。越日。汗以加號禮成。御大明殿受朝賀。戊辰。復告太廟。元世諸后。自非臨朝。雖儷宸極。其光耀莫有比焉。居東朝。頗仁儉。宮女皆教治女工。每幸上都。必敕鷹坊衛士先往。毋害民稼。性敏給。有權數。厯佐三朝。威福已出。羣邪諂附。遂日不檢。內則黑驢母亦烈失八用事。外則幸臣失烈門紐鄰及時宰鐵木迭兒。相帥爲姦。至箠辱平章張瑄等。濁亂朝政。無所不至。愛育黎拔力八達汗恐傷太后。每事容忍。及碩德八剌汗立。羣倖伏誅。秕政始革。然姦黨根株不盡。卒貽南陂之禍焉。初。愛育黎拔力八達汗本約立海山汗長子和世琜爲皇太子。羣小以和世琜汗英明。立之。必不利於己。不如碩德八剌汗幼弱。易與。遂慫慂太后擁立之。

及卽位。太后來賀。語及羣臣。臧否。欲其委任所寵。汗毅然不爲動。太后退而悔。曰。我固不擬立此兒也。旣而不得自恣。遂飲恨成疾。至治二年九月殂。明年三月。祔順宗廟室。上尊諡曰昭獻元聖皇。后。魏王阿木哥。母郭氏。本忽必烈汗女侍。荅刺麻八剌太子稍長。汗先以郭氏賜之。其後乃納元妃翁吉刺氏。故阿木哥先海山汗生。實爲荅刺麻八剌長庶子。大德六年十一月。籍河西寧夏善射軍隸王麾下。十年八月。賜鈔三千錠。海山可汗時。封爲魏王。賜獸紐金印。至大四年三月。愛育黎拔力八達可汗卽位。六月。王入

覲

舊紀稱衛王阿木哥入見衛當依世系表諸王表作魏至大四年本紀已稱魏王知其封在至大四年之前

汗諭省臣曰。朕與阿木哥

同父而異母。朕不撫育。彼將誰賴。其賜鈔二萬錠。他勿援例。皇慶

元年正月。賜食慶元路定海縣六萬五千戶。五月。賜鈔萬錠。明年

七月。敕中書。魏王阿木哥歲賜外給鈔萬錠。延祐元年七月。賜鈔

七千錠

疑此乃歲賜例鈔也。按舊紀於延祐二年七月書賜魏王阿木哥鈔萬錠。此殆在歲賜外者也。三年七月諭中書省歲給魏王阿木哥鈔萬錠。此申明皇慶二年七月之敕也。

其後連二歲同月。賜鈔萬錠。尋以臯謫徙高麗。有術者趙子玉言

於王府司馬曹脫不台等曰阿木哥名應圖讖於是潛謀備兵器
衣甲旗鼓航海往高麗迎取阿木哥至大都俟時而發行次利津
事覺六月乙巳子玉等七人伏誅七月癸酉拘王傳印既而內徙
王大同也孫鐵木兒可汗立泰定元年正月召王赴闕是年六月
薨賻鈔千錠子七人脫不花蠻子阿魯孛羅帖木兒唐兀台荅兒
蠻失里與察阿歹第十七汗同名孛羅阿魯至順元年九月甲午封西靖王明年三
月出鎮陝西孛羅帖木兒襲封魏王至正十三年五月王與知樞
密伯家奴同討河南妖賊軍汝亳間王嗜酒不設備一夕爲賊所
劫執被害

論曰知高郵州事魏源言甚哉元代祀典之紕繆也憲宗追尊拖
雷爲帝廟號睿宗成宗追尊真金爲帝廟號裕宗泰定帝追尊甘
麻刺爲帝廟號顯宗武宗追尊荅刺麻八剌爲帝廟號順宗夫惟
有天下者始立七廟有德始稱宗是以漢宣帝繼孝昭不登戾太
子於世室光武中興紹統平帝不祀南頓君以配天以其未繼體

而正宸極也。元之諸君各顧私親。專尊其所生。於是僣尊卑。溷昭穆。黷禮不經。莫此爲甚。泰定中。博士等所獻宗廟同室異世議。徒知兄弟當共爲一世。而不知顯順二考不當稱宗。徒知父子各自爲世。而不知拖雷真金不當立廟。徒知父子竝坐不合禮經。而不知睿裕顯順四宗。終身北面。歿與諸帝共廟。君臣同會之尤不合禮經也。又其甚者。太宗憲宗皆創業之主。功當百世不遷。乃自中統以後。諸帝皆非其子孫。遂并二宗之主。不列廟祀。則是未爲帝者可入廟稱宗。而曾爲開創有功德之君。反禋祀時享不及。乾坤易位。振古所無。誠欲合禮。則太祖居中。太宗居西夾室。定宗居昭之第一。憲宗居穆之第一。世祖居東夾室。成宗居昭之第二。武宗居穆之第二。仁宗居昭之第三。英宗居穆之第三。太宗世祖百世不遷。其餘親盡則祧。各藏其主於夾室。而睿裕顯順四神主。各以王封祔會於禰廟。如此。則情文皆稱。而禮制不僭濫矣。末哉。元世之儒臣乎。魏氏之言如是。誠當於禮矣。獨不解明初脩史諸臣。於

拖雷眞金甘麻剌荅剌麻八剌四傳猶標題之曰睿宗裕宗顯宗順宗是亦不可以已乎。豈易代之後猶有所畏憚而不敢筆削乎。今析拖雷爲專傳創忽必烈可汗諸子傳而以眞金冠之別綜甘麻剌荅剌麻八剌及其後王事實著於茲篇云

甘麻剌荅剌麻八剌列傳第七十九

蒙兀兒史記卷第九十七

唆都來阿八赤樊楫高元長列傳第八十

蒙兀兒史記卷第九十八

武進屠 寄篋

唆都札刺亦兒氏

唆都元史舊傳不載其先世系頗疑是忒木台行省之近族

宿衛忽必烈汗潛邸從征

大理

舊傳作花馬國即大理也因其山石有文如馬形故名

驍勇善戰中統三年從諸王不者克平李

璫還言於朝請免山東郡縣惡少年越境鬻馬於宋死皐籍爲軍

從之得三千人以千人隸唆都爲千戶戍蔡州至元五年阿朮經

略襄陽使將所部爲游騎略宋邊奪金剛臺笱箕青澗大洪山歸

州洞諸隘嘗猝遇宋軍千人執羈勒欲盜北馬唆都與戰敗之斬

馘三百級七年丞相史天澤命從郡王合荅

兀魯兀將主兒扯互之孫

卻宋范文虎

舟師於鶴子灘

舊傳譌六年事

明年又敗諸鹿門山下之湍灘襄樊糧援遂

絕唆都以功陞總管益將東平卒八百人其子百家奴亦奉河南

行省檄充管軍總把十年大軍攻樊城唆都先登城遂拔襄陽旋

降更益將五百人賜弓矢襲衣金鞍銀挺入覲擢郢復等處招討

使十一年移戍郢之高港。敗宋兵，斬馘三百級，獲裨校九人。百家奴同時隸丞相伯顏麾下，爲知印力戰郢州沙洋新城間，身被數創，有先登拔幟之功。伯顏以間汗曰：「朕心識其名。」師還，當大用之。不食言也。今且以良家女并銀碗一賜之，以爲左券。大軍出沙蕪。

口舊作沙武是也。但本紀它傳多作沙蕪。

宋夏貴以舟師迎戰，百家奴與哈答孫

一作慙答孫後爲潮東宣慰使

舊作暗答孫

突入其陳，擊之，貴敗走。遂登南岸，獲敵戰船器甲。蹤貴轉戰

至黃州白虎山。日莫，失貴舟所在。夜分乃還。尋又破金牛壩。明年正月，百家奴從千戶薛赤干取雞籠洞，還次瑞昌。遇夏貴潰兵，擊走之。遂取瑞昌。比宋援師至，城已下矣。復擊援師，得宋所執北兵五人以歸。從下江州，順流敗敵舟師於池之丁家洲，獲船五及器甲。視前爲多。先鋒略地，喃泥湖，奪戰艦三百。太平州望風下。是時唆都亦從大軍下建康。參政塔出命入城招諭，軍民按堵。伯顏命監軍謁只里論諸將功，便宜授唆都建康安撫使，賞百家奴白金二挺。百家奴從伯顏入朝，賜銀符，進義校尉。真除管軍總把。是年